

Teško gradu u kojem takozvani predstavnici građana koji sebe vole nazivati političarima tjeraju investitore, kao što se to događa u Bosanskom Petrovcu. Borba za prevlast u ovom gradu pretvorila se u progon firme Arifagić Investment, preko čega se pokušava disciplinovati i nezavisni načelnik Zlatko Hujčić. Partneri u čudnoj koaliciji SDA, SNSD-a, SBB-a, DF-a i Socijalističke partije, uzjahali su po najvećem farmeru u Krajini, ni manje ni više nego na osnovu optužbi sumnjivih pojedinaca od kojih Bosanski Petrovac nikakve koristi nije imao. Pokazati su brigu i za nacionalne interese lokalnih Srba, pritom su zaboravili višegodišnje bespravno korištenje državne zemlje koja je trebala biti stavljena u funkciju njihovog zapošljavanja. Konstatacije tipa da "Arifagić vjerovatno ima dobre namjere, ali na pogrešnoj zemlji" više podsjećaju na epizode iz loših vestern-filmova, gdje važi zakon jačeg, nego na stvarnost gradića u kojem bi svako novo radno mjesto bilo od ogromne važnosti.

Entuzijasta, povratnik, čovjek koji se odlučio vratiti iz inostranstva, ulagati milione maraka u rodnu Krajinu, ponovo je sve bliže izlaznim vratima, ne samo iz Bosanskog Petrovca već i iz BiH. Raskinuo je Jusuf Arifagić sve ugovore koje je sa Općinom Bosanski Petrovac imao za korištenje zemlje i tako preduhitrio načelnika Hujčića, koji se nije htio odreći te investicije uprkos pričama u Općinskom vijeću.

"Ne želim da ova neprirodna koalicija u Bosanskom Petrovcu, u kojoj su SDA, SBB, SNSD, DF i Socijalistička partija, preko mene vodi rat sa načelnikom Općine. Osporavaju mi zemlju koja mi je prije dvije godine uz jednoglasnu podršku Općinskog vijeća dodijeljena. Bez zemlje ja ne mogu hraniti stoku, ne mogu dalje razvijati biznis", rekao je Arifagić za magazin Dani.

Interesantno je da se vijećnici nisu mnogo brinuli za žalbe Arifagića da zbog nomada ne može koristiti dodijeljene površine. Nije

Kako SDA i SNSD ruše investitore

Savez SDA i SNSD-a u Bosanskom Petrovcu ustao je protiv najvećeg farmera u Krajini i milionske investicije: hajka protiv Arifagića je i politički obračun sa nezavisnim načelnikom

Piše: **ERNAD METAJ**



im bilo čudno što inspekcija na ove žalbe reaguje pozivanjem Arifagića na kafu, što ovaj biznismen odbija jer, kaže, ne želi i nije navikao ozbiljne stvari rješavati na taj način.

Umjesto da pomognu kako bi na farmi u Bosanskom Petrovcu sadašnjih 250 grla norveškog goveda doseglo broj od planiranih 1.000, da se mnogostruko uveća broj zaposlenih, većina vijećnika okrenula se protiv investicije. Kažu - nikog je i nešto zemlje uz parcele dodijeljene Arifagiću. Nije objasnio, a izgleda da nikog iz većine nije ni interesovalo, planira li on neke investicije na svojih 36 dunuma, što su tek mrvice u odnosu na 850 koje je uzeo Arifagić, stalno ponavljajući da će mu trebati još. Njima je, kažu, pravobranilac rekao da bi trebalo raskinuti ugovore i ponoviti procedure. Navodno nije bilo raspisanog javnog poziva za dodjelu zemljišta, da je cijena manja od zakonom predviđene, ali i da Arifagić zemljište nije priveo namjeni za koju ga je uzeo. Ne znaju članovi skupštinske većine ni hoće li isti aršini biti za sve, hoće li se provjeriti svi koji koriste državno zemljište?

"Nećemo sada grah razbacivati", izjava je Midhata Hibića, predsjednika OO SDA Bosanski Petrovac, koju je dao za magazin Dani.

Nije tajna da je njegova SDA silno zamjerila načelniku Hujčiću koji se drznuo dirnuti u šumski lobi u USK-u, gdje je aktuelan sudski proces za zloupotrebe protiv odgovornih za upravljanje šumama. Izgleda da je kap prelila čašu kada se malo reda počelo uvoditi i u korištenje obradivog zemljišta, jer su velika prostranstva pogodna za malverzacije sa poticajima, a zna se ko godinama njima upravlja.

Za načelnika Hujčića stvari su potpuno jasne. Ovo je samo nastavak obračuna prvenstveno pojedinaca iz SDA i SNSD-a s njim. U ugovorima s Arifagićem ne vidi ništa sporno, posebno kada je riječ o cijeni, kaže da je mogao, dodijelio bi zemljište džaba. Mišljenja pravobranioca smatra savjetodavnim, a ne obavezujućim i tvrdi da nije bilo potrebe za raspisivanjem javnog poziva. Za već pomenutog Harisa Mešanovića misli da je riječ o loše pripremljenoj režiji, koja bi njene kreatore najviše mogla koštati. "On ne živi tu i nikad nije uplatio nijednu marku u općinski budžet. Imamo i mi svoje informacije, tako da ćemo uskoro tražiti da se nadležni pozabave njegovom navodnom poljoprivrednom proizvodnjom. Biće interesantno vidjeti uzgaja li na određenim lokacijama kulture koje tu nikad nisu uspjevale i ostvaruje li i kolike poticaje", rekao je Hujčić.

Da se iza svega kriju isključivo politički interesi koji će na kraju najviše štete donijeti građanima Bosanskog Petrovca, smatra i vijećnik Srpske napredne stranke Dejan

Prošić. Za njega je apsurdno da se vijećnici bave sa 850 dunuma zemlje dodijeljene Arifagiću, dok je 5.000 hektara zemljišta neobrađeno. Ubijeden je da će nakon odlaska Arifagića i tih 850 dunuma ostati neiskorišteno.

Kao privrednik Jusuf Arifagić ne krije da je iznenađen odnosom političara prema investitorima. "Želim javno pitati sve političke lidere, a prije svih Bakira Izetbegovića, da li je ovo zvanična politika SDA i države Bosne i Hercegovine?", kaže Arifagić. Interesuje ga da li su interesi lokalnih moćnika važniji od javno obećane brige za investitore i otvaranje novih radnih mjesta. Kada je u Bosanskom Petrovcu u Krnjeuši kupio imanje i preselio 250 grla stoke, kaže da je bio ubijeden da nije promašio selo kako mu se to sada pokušava poručiti. Za njega su priče o tome kako je jeftino kupio farmu i onda je stavio pod hipoteku u želji da što lakše dođe do novca, smiješne. Čudno mu je da ljudi koji plasiraju takve priče znaju da je farmu kupio za 400.000 maraka, da je dobio kredit, a ne znaju, ili jednostavno neće da znaju, kako je najveći proizvođač mlijeka u RS-u.

Mogao je i trebao Arifagić postati i jedan od najvećih proizvođača mlijeka u FBiH. Izgleda da to ne smeta samo pojedincima u Bosanskom Petrovcu, jer su i u Bosanskoj Krupi prema njegovim tvrdnjama iz SDA već upućene dvije krivične prijave protiv načelnika jer je sklopio ugovore s njim. Čudno, posebno ima li se u vidu da je javno obećano 100.000 novih radnih mjesta. Možda se planiranih 50 na farmama Arifagića čini malim na tom putu, ali nije, velika su, ogromna, jer su u poljoprivredi i još u dijelu BiH gdje se investitori baš i ne utrkuju da ulažu. A i zašto bi, da im kao u Bosanskom Petrovcu političari pušu za vrat, da im oni upravljaju njihovim novcem, da se brinu ko je s kim dobar i da im od toga zavisi budućnost. U pravu je Arifagić kada kaže da sa takvim predstavnicima vlasti građani mogu ići samo u dva pravca, prema mezarju ili van države.